

Na liboso ete napesa bomoi na ngai epai ya Klisto, mpe tango nazalaki kaka mwana na nzela ya lobiko, balakisaki ngai ete elembo monene oyo emonisaka ete moto azali na nguya ya molimo ezali **KOLONGWAMA (upako)**. Mbala mosusu mpe yo oyebaki boye to oyebi naino boye — ete moto oyo azali na nguya ya kosala bikamwa, komona makambo na mokili ya molimo (bavandisi mabe, basango, biloko ya ndɔki), komona bimoniseli, kopota ndoto, koloba mingi na minɔkɔ, to kosala bikamwa mingi — moto wana nde azali na nguya monene ya molimo, mpe bongo Satana azali kobanga ye. Likambo wana esalaki ete molimo na ngai eluka upako koleka eloko nyonso.

Kasi, Biblia elobaka boye? Nguya ya molimo ezali kaka yango? Lelo tokoluka koyekola, mpe koyeba nini esengeli tosala mpo nguya na biso ya molimo emata.

Yesu alobaki boye:

Matai 11:12

“Tango ya Yoane Mobatisi kino sik’oyo, bokonzi ya likoló ebendamaka na nguya, mpe bato ya nguya nde bazali kobotola yango.” (Mokanda na Bomoi)

Bongo, nguya oyo alobelí ezali **NGUYA YA MOLIMO**. Elingi koloba ete moto oyo azali na nguya mingi ya molimo nde akokoka kobotola bokonzi ya likoló.

Biblia mpe elobi mpo na Yoane:

Luka 1:80

“Mwana akolaka, mpe akomaki makasi na molimo, mpe avandaki na bisika ya seko kino na mokolo oyo ayebanisamaki epai ya Isalaele.”
(Mokanda na Bomoi)

Tala, Yoane azalaki kosala nini kobanda mwana: akómaki na nguya ya molimo tango nyonso, kino azwaki mosala na ye. Kasi akosaki te bikamwa ata moko, to elembo nyonso lokola Eliya. (Tala **Yoane 10:41**).

Yango emonisaka ete upako te nde elembo ya nguya ya molimo. Moto akoki komona bimoniseli nyonso, kasi molimo na ye ekoki kozala na bolembu koleka oyo azwi Klisto lelo kaka.

Yesu apesaki litatoli mpo na Yoane:

Matai 11:11-12

“Ya solo, nalobi epai na bino, kati na bato nyonso oyo babotamaki na basi, moto monene koleka Yoane Mobatisi azali te; kasi moto moké kati na bokonzi ya likoló azali monene koleka ye. Kino tango ya Yoane Mobatisi kino sik’oyo, bokonzi ya likoló ebendamaka na nguya, mpe bato ya nguya nde bazali kobotola yango.” (Mokanda na Bomoi)

Yoane azalaki kaka na posa moko: koyeba **MASIA oyo apesamaki ndayi**. Yango nde ezalaki lokasa oyo asimbaki na bomoi na ye mobimba. Azwaki ntango nyonso na Biblia, na Mibeko mpe na Baprofeta, mpo na koluka Yesu. Yango wana akómaki makasi na molimo koleka moto nyonso na tango na ye.

Tango amonaki Yesu, alobaki:

Yoane 1:29

*“Na mokolo ya nsima, amonaki Yesu azali koya epai na ye, alobaki:
‘Tala, Mwana-ngombe ya Nzambe oyo alongolaka lisumu ya
mokili!”* (Mokanda na Bomoi)

Nzokande, nyonso oyo Yoane alukaki ezalaki kolakisa Yesu. Yango wana azalaki na nguya ya molimo makasi mingi.

Likambo monene mpo na biso lelo: **Nguya ya molimo ezali na koyeba Klisto.** Ezali na kozwa tango ya kosambela, koyekola Makomami mpo na koyeba Yesu, mpe kotikala kati na ye.

Biblia elobi:

1 Bakorinti 1:24

“Kasi mpo na bato oyo babengamaki, Bayuda mpe Bagreki, Klisto nde nguya ya Nzambe mpe mayele ya Nzambe.” (Mokanda na Bomoi)

Bakolose 2:2-3

“... mpo bákóma na bozwi nyonso ya boyebi ya solo, mpo báyeba solo ya Nzambe — ezali Klisto, oyo kati na ye hazina nyonso ya mayele mpe ya boyebi ezali kobombama.” (Mokanda na Bomoi)

Baefese 4:13

“... kino nyonso tokokóma na boyokani ya kondima mpe ya koyeba malamu Mwana na Nzambe, kino tokóma bato ya kokoka, na monene ya komonanaka ya Klisto.” (Mokanda na Bomoi)

Yango wana, soki olingi nguya ya molimo emata, **luká Yesu.** Kosala yango ekozala kobotola bokonzi ya likoló.

Nzambe apambola yo mingi!

Soki olingi kozwa mateya mingi, yáká na channel na biso ya WhatsApp

NAKOBOLOLO NDENGE NINI NGUNGU NA NGAI YA MOLIMO?

awa ☺

<https://whatsapp.com/channel/0029Vb6labc8V0tfRqKKY11y>

Share on:

WhatsApp